



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XI. Irruptiones barbarorum in Gallias communicationi Episcoporum  
obstitere. Explicatus Hilarus Papa.

**urn:nbn:de:hbz:466:1-15617**

Zozimus cum eo communicavit unam ex prærogativis quas Africani canones Metropolitanus deberi testantur supra Episcopos & clerum provinciæ. Sed privilegium illud coercitum fuit ad unicum hoc caput jurium metropoliticorum, nulla congregandorum Conciliorum Galliæ potestate concessa; ac præterea Patroclu tantum conceditur, ea ratione, ut ad successores non transmittatur; meritorum ejus speciali contemplatione, inquit Zozimus. Merito igitur reprehendendi sunt Episcopi provinciæ Arelatensis, dum in libello quem Leoni primo obtulerunt, aiunt eam auctoritatem fidei Arelatensi competere, quam verbis admodum magnificis explicant contra tenorem rescripti: *Vt omnes Gallias, sibi apostolice sedis vice mandata, sub omni ecclesiastica regula contineret. Imp. Valentinianus III. auctoritatem Patrocli Episcopi Arelatensis intendit, lege data, qua ejus iurisdictioni subdidit Episcopos Galliarum qui Pelagi erroribus adhaerent.*

VIII. Privilia isthac personalia Arelatensibus Episcopis concessa, quæ aliunde confirmata fuerant à Zozimo quoad ordinationes Episcoporum provinciæ Viennensis & utriusque Narbonensis, tametsi dein Bonifacius Papa ea extendi prohibuit ad primam Narbonensem, viam aperuerunt ambitioni eorum, adeo ut ad exarchatum Galliarum aspirare ausi sint. Hanc ob rem Hilarius Arelatensis Episcopus in secunda synodo Arelatensi decerni procuravit penes Episcopum illius urbis futuram potestatem congregandi synodum Galliarum, quoties ita illi visum foret expedire. Hic est enim sensus canonis XVIII. ut ejus verba satis indicant: *Ad Arelatensis Episcopi arbitrium synodus congreganda: ad quam urbem ex omnibus mundi partibus, precipue Gallicanis, sub sancti Marini tempore legimus celebratum fuisse Concilium atque conventum. Sed in eo capite calidè agit hic canon, cum constet primum illud Concilium Arelatense anno CCCXIV. convocatum fuisse ab Imperatore Constantino. Excipi posset, synodum illam Arelatensem fuisse tantum ex provincia Viennensi, ideoque canonem illum intelligi tantum debere de conventu synodi provincialis, que arbitrio Arelatensis Episcopi permittitur. Verum aperte constat eam Synodum constituisse ex pluribus provinciis, & ex diversis Metropolitanis, de quibus comprehendendis agitur in LII. & LV. canonibus. Vnde sequitur, canonem XVI. voluisse tribuere auctoritatem convocandi synodum plurium provinciarum.*

IX. At Leo primus ferre non potuit præ-

sumptionem Hilarij, vetuimus ne deinceps synodos ex variis provinciis cogeret. *Suis* (inquit Leo in epistola LXXXIX. ad Episcopos provinciæ Viennensis) *unaquaque provincia sit contenta Conciliis, nec ultra Hilarius andeat conventus indicere synodales.* Sed heic obiter adnotandum est, posse ex iis quæ dicta sunt constitui epocham Concilij Arelatensis secundi, quæ viro clarissimo Sirmondo ignota fuit, eique occasionem dedit scribendi exploratum hactenus de tempore hujus Concilij nihil esse. Conlocandum est immediate post Concilium Vasense, quod anno CDXLII. celebratum est, & ante annum CDXLV. quo scripta est epistola Leonis adversus Hilarium. Porro Hilario adempta insuper est à Leone dignitas metropolitanæ, ac Viennensi Episcopo adjudicata. Attamen idem Pontifex eandem provinciam, post Hilarij obitum, divisit in duas, relictâ Episcopo Viennensi curâ quinque civitatum, reliquis autem tributis Ravennio recens ad episcopatum Arelatensem electo. Ac præterea, restituenda huic urbi veteris dignitatis cupidus, Ravennio jus quoddam eximum trivit quod primo Metropolitanu competit, *denuntiandi nimirum reliquis Episcopis res in Concilio definitas.* Eam namque illi curam commisit, missa ad eum celebri illa epistola qua controversias de mysterio dominice incarnationis decidit, edicto ut eam communicaret cum Episcopis Galliarum, qui dein Leoni gratias egerunt.

X. Primus omnium Hilarus Papa Arelatensibus Episcopis jus & auctoritatem trivit convocandi Concilium Galliarum. Anno namque quadringentesimo sexagesimo secundo jussit ut Leontius Arelatensis Episcopus synodum ex provinciis quæ congregari possent convocaret. *Per annos itaque singulos, inquit, ex provinciis quibus poterit congregari, habeatur episcopale Concilium; ita ut opportunis locis atque temporibus, secundum dispositionem fratris & coepiscopi nostri Leontij, cui sollicitudinem in congregandas fratribus delegavimus, Metropolitanis per literas ejus admonitis celebretur.*

XI. Ceterum hactenus placuerit examinare quanam auctoritate sub Imperatoribus Romanis convocata fuerint generalia Galliarum Concilia. Quippe irruptiones Francorum, Gotthorum, & Burgundionum, qui majorem Galliarum partem ab Imperio resecuerant, multum difficultatis attulere communicationi antisitum: quæ aliunde valde erat interrupta, ob hoc quod auctoritas pontificia ad congregandas synodos esset penes Episcopum Arelatensem Romano imperio subiectum. Recte igitur Papa Hila-

rus ad Leontium scribit ut synodum habeat  
cum Episcopis provinciarum quæ congre-  
gari poterunt. Ceterum ut membrum hoc  
concludam, aio synodos generales Gallia-  
rum congregari solitas ab Imperatoribus,  
vel eorum auctoritate, Episcopum vero  
Arelatensem sibi vindicare voluisse jus illas  
convocandi, sed à Leone Papa repressum  
fuisse, Hilarum deinde Episcopo Arelatenensi  
delegasse sollicitudinem congregandi quos  
posset Episcopos, id est, qui à Regibus fine-  
rentur accedere ad synodos.

XII. Nam eo tempore Reges Gotthi,  
partim jure belli, partim ex pactis, occupa-  
verant aliquot provincias; quarum fines ita  
propagaverunt ut per illas tempestates pos-  
federint utramque Aquitaniam, & Nove-  
populaniam, utramque Narbonensem, &  
provinciam Alpium. Burgundionibus pare-  
bant Lugdunenses, Viennenses, & Vesontio-  
nenses. Franci vero reliquum Galliarum oc-  
cupabant. Constat ergo non potuisse illa  
tempestate congregari corpus Episcoporum  
Gallicanorum, ob diversitatem regnum.  
Cujus rei illustre testimonium extat in epि-  
stola Aviti Episcopi Viennensis ad Senato-  
res Vrbis Romæ scripta anno quingentesimo  
tertio. Primum enim illis significat do-  
lorem quem conceperat ex iudicio Romæ  
lato adversus Papam Symmachum, tum se  
apud eos excusat quod ipse solus inter Epis-  
copos Galliarum hanc epistolam scribat,  
quod regnum divisio impedit eorum  
conventum. Affirmat tamen literas ad se  
ab omnibus collegis suis missas, quibus eum  
orant ut scribendæ istius epistolæ curam in-  
se suscipiat: *Vellemus ut que in causa communi  
supplicari oportet, amplitudo vestra congrega-  
torum Gallie Sacerdotum relatione cognoscet.*  
Sed quoniam hujus quoque voti non potes reddit  
provincia prefixis regnum determinata limitibus,  
quamprimum supplici prece posco ne cele-  
berrimo ordini vestro pagina hæc aliquod mo-  
veat, quasi ab uno dictata, fastidium; quoniam  
a cunctis Gallicanis fratribus meis ad hoc ip-  
sum non minus per mandata quam per literas  
oneratus, quecumque à vobis omnes ambimus,  
unus suggerenda suscepit.

*Avisus epist. 31.*

### CAPUT XVIII.

#### Synopsis.

I. *Synodus Agathensis constituit ex solis Episcopis  
regni Gothorum. Conjectura de Petro Episcopo de  
Palatio, qui ei synodo subscriptus. Concilium Epao-  
nense ex Episcopis regni Burgundionum.*

II. *Post excisum regnum Gothorum, prima  
Francorum synodus fuit Aurelianensis. Ad ejus for-*

*mam celebrata sunt cetera Gallia Concilia. Quinque  
Episcopi ad eam convenerunt.*

III. *Conventus ille extraordinarius erat; ide-  
que convocandus à Rege. Itaque à Clodoveo convoca-  
tus est.*

IV. *Post obitum Clodovei, regnum ejus divisum  
in tetrarchias. Virisque Regum portio, regnum die-  
batur, velut regnum Childeberti, Marcham Childe-  
berti vocat *Mary Chronicorum Arvernensis Concilium,*  
Sortem.*

V. *Varia tum temporis fuere Galliarum Concilia.  
Quippe interdum constabant ex Episcopis universis  
Gallie, interdum vero ex Episcopis unius regni. Ca-  
non 1. Concilii 111. Aurelianensis explicatus.*

VI. *Concilium Aurelianense secundum congre-  
sum fuit iussu Regum. Explicatur immutatio que in  
sequentibus Conciliis accidit circa iura regia. Pri-  
ma omnium Synodus Arvernensis immunitate capi-  
regiam auctoritatem. A posteriori sunt audacia sequen-  
tium Conciliorum.*

VII. *Temperamento sua synodus secunda Patri-  
fensis, itemque secunda Turonensis.*

VIII. *Sequentia Concilia iis verbis sua sunt  
qua Regum auctoritati respondent. Evocationis vox  
explicata.*

IX. *Concilium Matisconense secundum congre-  
sum est iussu Guntrammi Regis. Et interfuerunt  
omnes Episcopi regni Burgundici. In eo statum est  
ut tertio quoque anno Concilium celebretur una cum  
dispositione Principis. Vox dispositio explicatur. Co-  
nanus patres novam Patriarcha dignitatem tribuere  
Episcopo Lugdunensi. Synodus Parisiensis quama  
convocata est à Rege Clotario. Et Cablonensis à  
Clodoveo secundo.*

X. *Episcopi tenentur accedere ad synodum quam  
Rex indexit. Probatur ex insigni loco Gregorii Tu-  
ronensis. In literis tamen convocationis exprimenda  
erant causæ ob quas convenitus præcipiebatur.*

I. **A**T T A M E N licet corpus Gallia-  
rum in synodo congregari non pos-  
set, provinciae quæ uni Regi parebant syno-  
dum componebant absque ulla permisso  
Episcoporum alienarum provinciarum; ut  
constat ex Synodo Agathensi, que anno  
quinquagesimo sexto habita est permisso  
Alarici Regis Visigothorum, tametsi Ari-  
rianus esset: *Cum in nomine Domini, ex per-  
missu Domini nostri glorioissimi, magnificen-  
tissimi, piissimique Regis, in civitate Agathensi  
sancta synodus convenisset.* In subscriptioni-  
bus autem leguntur nomina Metropolitani  
Arelatensis, Narbonensis, Burdigalensis,  
Elusani, Bituricensis, & Vicarij Metropoli-  
tanii Turonensis, itemque plurimorum  
Episcoporum earundem provinciarum que  
regnum Tolosanum constituebant. Nullus  
porro Episcopus regni Francorum aut Bur-  
gundionum ei synodo interfuit; neque etiam  
ex Hispania, tametsi magna illius pars Re-  
gis Alarici imperio pareret. Suspicandi ta-  
men locus heic esset Petrum Episcopum  
de Palatio, qui synodo huic subscriptis, cu-  
jus civitatis vocabulum ad nullam urbem  
referri